



11 SEP, 2020

RM7.79 juta bantuan geran disalur kepada Agropreneur Muda di Sabah

New Sabah Times Bahasa (KK), Malaysia

Page 1 of 3

RM7.79 juta bantuan geran disalur kepada Agropreneur Muda di Sabah

KOTA KINABALU: Sejumlah RM7.79 juta bantuan geran telah disalurkan kepada 534 orang Agropreneur Muda di Sabah.

"Kelulusan geran melibatkan sektor tanaman (RM3.71 juta), perikanan (RM0.73), ternakan (RM1.02 juta) dan industri makanan (RM2.33 juta).

"Masing-masing sektor diwakili oleh 309, 34, 46 dan 145 orang Agropreneur Muda. Jumlah melibatkan geran daripada Januari 2016 sehingga bulan Ogos, 2020," kata Menteri Pertanian dan Industri Makanan (MAFI), Datuk Seri Ronald Kiandee.

Dalam ucapan perasmian semasa Majlis Pecah Tanah Pusat Pemprosesan Buah-Buahan, Kembara Agropreneur dan Flag-Off Export Buah Tarap disini kelmarin, beliau berkata Geran Agropreneur Muda melibatkan bantuan dalam bentuk barangan yang bernilai sehingga RM20,000.

Teks ucapan Ronald dibacakan oleh Timbalan Menteri Pertanian dan Industri Makanan II, Dato' Che Abdullah Mat Nawi.

"Bagi kelulusan geran bagi Fasa 2 (2020), 29 orang penerima di Sabah yang telah diluluskan geran dengan jumlah RM0.56 juta".

Geran sektor tanaman berjumlah RM0.20 juta (10 orang), perikanan RM0.01 juta (1), ternakan RM0.14 juta (7) dan industri makanan RM0.21 juta (11).

Pada majlis yang sama, Che Abdullah telah menyerahkan geran baharu bernilai RM10,000 hingga RM20,000 kepada tujuh Agropreneur Muda di Sabah.

Sementara itu, FAMA telah memberikan Kit Bantuan Agropreneur Muda kepada 30 penerima dari Daerah Beluran.

Bantuan merupakan inisiatif MAFI untuk membantu usahawan dalam bidang pemprosesan makanan ringan, bakeri dan pastri yang menghadapi kesukaran dalam tempoh Perintah Kawalan Pergerakan (PKP).

"Selain membantu, inisiatif ini juga merupakan satu ruang untuk mempromosikan produk keluaran Agropreneur Muda Sabah".



11 SEP, 2020

RM7.79 juta bantuan geran disalur kepada Agropreneur Muda di Sabah

New Sabah Times Bahasa (KK), Malaysia



SAMPAIKAN ... Che Abdullah menyampaikan geran kepada salah satu Agropreneur Muda.



TERTARIK ... Antara buah-buahan Sabah yang akan dieksport.



11 SEP, 2020

RM7.79 juta bantuan geran disalur kepada Agropreneur Muda di Sabah

New Sabah Times Bahasa (KK), Malaysia

Page 3 of 3

SUMMARIES

KOTA KINABALU: Sejumlah RM7.79 juta bantuan geran telah disalurkan kepada 534 orang Agropreneur Muda di Sabah. "Kelulusan geran meMbatkan sektor tanaman (RM3.71 juta), perikanan (RM0.73J, ternakan (RMI.02 juta) dan industri makanan (RM2.33 juta)."Masing-masing sektor diwakili oleh 309, 34, 46 dan 145 orang Agropreneur Muda. Jumlah melibatkan geran daripada Januari 2016 sehingga bulan Ogos, 2020," kata Menteri Pertanian dan Industri Makanan (MAFI), Datuk Seri Ronald Kiandee.Dalam ucapan perasmian semasa Majlis Pecah.